

Dyula - Nii Senuman Zehova ka Kuma - Holy Spirit Scriptures

Bok 35:31 a y'a Nii don a la, ka see ni hakili d'a ma, ani lənniya, janko a ka se ka bololabaara sifa bəe kəcogo lən,

Kok Nimorɔ 11:25 O kɔ, Masaba jigira sankaba la ka kuma a fε. See min tun be Musa fε, Masaba y'o nɔgɔn di cɛkɔrɔba bi wolonwula nunu ma. Zehova ka Nii jigira u kan tuma min na dɔrɔn, u ye kiraya kε, nga o kɔ, u ma o kε tugu.

1 Samuyeli fɔlɔ 10:6 Masaba ka Nii bena don i la, e bena fara u kan ka kirayakuma fɔ fana. O la, i cogo bena yεlεma.

2 Samuyeli 2nan 23:2 Masaba ka Nii b'a ta fɔ ne barika la, a ka kuma be ne daa la.

Zəbu 33:4 Ne danna Zehova ka Nii le barika la, ne be nii na Setigi ka Nii le sababu la.

Ezayi 11:2 Masaba ka Nii bena to n'a ye, ale min be lənniya, ni koo faranfasili see di, ka koo janabɔli see, ni fanga di, ka Masaba lənko n'a pasirranko see di.

Mise 3:8 Aa! Masaba ka Nii barika la, ne kɔni ye barika sɔrɔ, n tilennin lo, ne jaa ka gwεlε ka Yakuba kɔmɔgɔw ka murutikow fɔ u ye, ka Isirayεlidenw ka hakε fɔ u ye.

Zakari 4:6 Masaba y'a fɔ Zorobabeli ye ko: «Baara min b'i bolo, e fanga tena se k'o kε, i yεrε seko fana tε, fɔɔ ne ka Nii. Ne Masaba, Setigi le ko ten.

Matiyo 12:28 Nga ni ne be jinaw gwεn Zehova ka Nii barika la, o b'a yira ko Zehova ka masaya sera aw ma.

Matiyo 28:19 O la, aw ye taga siyaw bəe kε ne ka kalandenw ye k'u batize Faa, ni Dence ni Nii Senuman tɔgo la,

Mariki 1:10 Yezu bɔtɔ jii la, a ye sankolo dayεlεnin ye ka Nii Senuman jigitɔ ye a kan i n'a fɔ tuganin.

Mariki 13:11 N'u y'aw minε ka taga aw don kititigεlaw bolo tuma o tuma, aw kɔnɔ kana gwan ko aw bena mun fɔ. Kuma min bena bila aw hakili la o waati yεrε la, aw k'o fɔ. Bari aw tena kuma aw yεrew ma, nga aw bena kuma Nii Senuman lo barika la.

Luka 2:26 Nii Senuman tun y'a yira a la ko a tena sa n'a paa ma la Matigi ka Mɔgɔ wolomanin kan.

Luka 4:1 Yezu fanin tun be Nii Senuman na. A bɔra Zurudɛn baji daa la ka taga kongokolon kɔnɔ. Nii Senuman tun b'a taayɔrɔ yira a la.

Luka 4:18-21 «Matigi ka Nii be ne fε, bari a ye ne woloma ka kibaru diman fɔ fantanw ye. A ye ne ci ko n k'a fɔ jɔɔnw ye k'u bena hɔrɔnya, ko n k'a fɔ fiŋɛntɔw ye k'u paa bena yεlε, ko n ka mɔgɔtɔɔrɔniniw bɔ u juguw bolo k'u bila, 19 Matigi ben'a ka numanya kε saan min na, ko n k'o fɔ mɔgɔw ye.» 20 O kɔ,

Yezu ye kitabu datugu k'a di kalanso kōlōsibaga ma ka sigi. Mōgō minw tun be yen, u bēe y'u paa basa a la. 21 O tuma na, a ye kuma ta k'a fō u ye ko: «Aw ye kitabu nin kōnōnakuma minw mēn sisan, o koow kera ka dafa bii.»

Luka 12:11,12 «N'u y'aw minē tuma min na ka taga n'aw ye kalansow kōnō, walima kititigelaw fē, walima faamaw ḥafē, aw bena min ke k'u jaabi, walima aw bena min fō ka tijē sōrō, aw hakili kana ḥagami o la. 12 Nii Senuman bena aw ka fōta don aw daa la o yōrōnin bēe.»

Zan 7:38,39 Ni mōgō min lara ne la, o tigi bena ke jīnuman buyiyōrō ye i ko a fōra Zehova ka kuma na cogo min na.» 39 Mōgō minw bena la a la, olu bena Nii Senuman min sōrō, a tun be o le koo fōra ten. Nii Senuman tun ma di fōlō bari Yezu tun ma boja sōrō fōlō.

Zan 14:16,17 Ne bena n Faa Zehova daali a be dēmēbaga wērē ci aw ma, janko ale ka to ni aw ye tuma bēe. 17 Ale lo ye Nii Senuman ye, Tijētigi. Dijē mōgōw te se ka sōn a ma bari u t'a yera, u fana m'a lōn. Aw kōni b'a lōn, bari a be n'aw ye, a bena sigi aw kōnō.

Zan 14:26 Nga Dēmēbaga, min ye Nii Senuman ye, n Faa bena min ci n tōgō la, ale ben'aw kalan koo bēe la, ani ne ye koo minw bēe fō aw ye, a ben'aw hakili jigi o bēe la.

Zan 16:7,8 Nga ne ye tijē le fō aw ye. Aw kama lo ne be taga, ni ne ma taga, Dēmēbaga tena na aw fē, nga ni ne tagara, ne ben'a ci aw ma. 8 Ni ale nana tuma min na, a bena hakēko ni tilenninyako, ani Zehova ka kitiko gwēya dijē mōgōw ye, k'a yira u la k'u filila o koo nunu na.

Zan 16:13-15 Nii Senuman min be Zehova ka tijē yira mōgōw la, n'ale nana tuma min na, a ben'a to aw be tijē bēe lōn, bari a tena kuma a yērē barika la. Nga a mana fēen o fēen mēn, ani koo min bēe bena ke, a bena o fō aw ye fana. 14 A bena boja la ne kan, bari a mana fēen min sōrō ne fē, a bena o le fō aw ye. 15 Fēen min ye n Faa ta ye, o bēe ye ne ta ye fana, o la ne y'a fō ko a mana fēen min sōrō ne fē, a bena o le fō aw ye.»

Zan 20:21,22 Yezu y'a fō u ye tugu ko: «Hērē ka ke aw ye. N Faa ye ne ci cogo min na, ne fana be aw ci o cogo kelen le la.» 22 A ye o kuma nunu fō ka ban tuma min na, a y'a dafijē ke u kan k'a fō u ye ko: «Nii Senuman ka to aw fē.

Kewaliw 1:2 fōō ka taga se a kōrōtalon ma ka taga arijana na, n y'o bēe lakali o kōnō. Yanni a ka yēlē ka taga arijana na, a tun ye mōgō minw woloma k'u ke a ka cidew ye, a ye kangari la u ye Nii Senuman barika la.

Kewaliw 1:5 Zan ye mōgōw batize ni jii ye, nga yanni tile damani, aw bena batize ni Nii Senuman ye.»

Kewaliw 1:8 Nga ni Nii Senuman jigira aw kan tuma min na, aw bena fanga sōrō ka se ka n ka koow fō Zeruzalem, ni Zude mara bēe la, ani Samari mara la, fōō ka taga se dijē faan bēe la.»

Kewaliw 2:1-4 Pantekōti loon na, kalandenw bēe lajennin tun be boon kelen na. 2 Mankanba dō barila ka bō sankolo la. Mankan nin tun be i n'a fō fōjōba mankan. U tun be boon min kōnō, o bēe fara mankan nin na. 3 U ye fēen dōw

ye i n'a fō tasuma, a tilantilanna ka jigi u kelen kelen bēε kuun na. 4 U bēε fara Nii Senuman na. U y'a daminē ka siyakan wērew fō Nii Senuman barika la.

Kewaliw 2:17-19 Matigi ko: «Ni laban tuma sera, n bena n ka Nii di bēε ma. Aw dencēw n'aw denmusow bēε bena kiraya kε. Aw ka kanbelenninw bena yelifēn wērew ye. Aw ka cēkōrobaw bena sikow kε. 18 Tijē na, o waati la n bena n ka Nii di n ka baarakelaw ma, cēε fara musow kan. U bena kiraya kε. 19 N bena kabakow kε sankolo la, ka taamasijēw kε dugukolo kan, joli, tasuma ani sisi. (Zoweli 2:28,29)

Kewaliw 2:33 A y'a wele k'a sigi a yēre kōrō masaya la. A tun y'a daa di ko a bena Nii Senuman di. A y'o sōrō a Faa fē k'o di anw ma. Aw b'o le ka sebagaya kuma mēnna, ani k'a ka seko ye.

Kewaliw 2:38 Piyēri y'u jaabi ko: «Aw ye nimisa ka faran aw ka hakēw la, an b'aw batize Yezu Krista tōgō la janko aw k'aw ka hakēw yafa sōrō. O la, aw bena Nii Senuman sōrō,

Kewaliw 4:31 U tun be yōrō min na, daalili bantō, o yōrō nin yēreyerela. U bēε fara Nii Senuman na, ka to ka Zehova ka kuma fō ni jagwelēya ye.

Kewaliw 8:15-17 Olu tagara yen, ka Zehova daali u ye, janko u ka se ka Nii Senuman sōrō, 16 bari u tun batizera Matigi Yezu tōgō la dōrōn. Nii Senuman tun ma jigi u si kan fōlō. 17 O tuma na, Piyēri ni Zan y'u bolo la u kelen kelen kuun na, u bēε ye Nii Senuman sōrō.

Kewaliw 8:39 U bōra jii kōnō tuma min na, Matigi ka Nii ye Filipu ta ka bō yen. Cēε m'a ye tugu. Nga a nisōn diyanin tagara n'a ka sira ye. (1 Masacē fōlō 18:12)

Kewaliw 9:31 O tuma na, Krista ka jama tun be hēre la Zude, ni Galile ani Samari mara nunu bēε la. U ka lanaya tun be taga ja. U tun be Matigi bona. Nii Senuman barika la, u tun be caya ka taga.

Kewaliw 10:44,45 Ka Piyēri to kuma na, Nii Senuman jigira a ka kuma lamēnbagaw bēε kan. 45 Zuwifu minw tun lara Yezu la n'u nana Piyēri bila sira, olu kabakoyara bari u y'a ye ko Zehova ye Nii Senuman di siya wērew fana ma.

Kewaliw 11:15 Ne y'a daminē ka kuma n'u ye dōrōn, Nii Senuman jigira u kan i n'a fō a tun jigira anw kan koow daminetuma na cogo min na.

Kewaliw 13:52 Kalanden minw tora u kō, u fanin tun be Nii Senuman na, u nisōn tun ka di.

Kewaliw 19:6 Pōli y'a bolo lala u kuun na, Nii Senuman jigira u kan, u y'a daminē ka siyakan wērew fō, ani ka kirayakuma fō.

Kewaliw 20:23 N kōni be min lōn, n mana se dugu o dugu la, Nii Senuman b'a fō ne ye ko u bena jōrōkō kε ne la, ko n bena tōrō.

Orōmukaw 5:5 Jigi do te taga ka mōgō to bololakolon, bari Zehova y'an kanu cogo min na, o b'an dusu la Nii Senuman barika la, a y'ale min d'an ma.

Orōmukaw 8:9 Aw kōni, aw t'aw yēre sago kε tugu, aw be Nii Senuman sago le

kε, bari Zehova ka Nii be aw fε. Ni Krista ka Nii te mōgō min fε, o tigi te Krista ta ye.

Orōmukaw 8:13-16 Bari n'aw be taama ka kεŋε ni farisogo sago ye, aw bena sa, nga n'aw y'aw jogo yεlεma pepewu Nii Senuman barika la, aw bena balo. 14 Mōgō minw be taama ka kεŋε ni Zehova ka Nii sago ye, olu ye Zehova deenw ye. 15 Aw ye Nii min sōrō, ale t'aw bila jōnya ni siranya la, Nii Senuman lo. Ale lo barika la aw kera Zehova ka deenw ye, ani ale barika la an b'a fō Zehova ye ko Baba, an Faa. 16 O Nii Senuman nin b'a yira an na ko an kera Zehova deenw ye.

Orōmukaw 8:26 O cogo la fana, Nii Senuman b'an dēmē an ka dēseyōrōw la, bari an te daalili cogo lōn, nga Nii Senuman yεrē le be daalili kε an nōc na ni junangkan ye min te se ka fō.

Orōmukaw 15:13 Zehova min be mōgō jigi tugu, ale k'a kε aw be nisōndiya kosōbe, ka hεrε kε aw ye aw ka lanaya kosōn, janko aw ka jigisōbe sōrō Nii Senuman barika la.

Orōmukaw 15:19 ani kabako sifa caaman ye Nii Senuman barika la. A kera ten, k'a ta Zeruzalem̄ fō ka taga se lliri mara la, ne ye Krista ka kibaru bεe fō o yōrōw la.

1 Korēntikaw fōlō 2:10-13 Zehova y'o koo dogoninw yira an na Nii Senuman barika la, bari Nii Senuman be koo bεe sēgesēge kosōbe fō ka taga se Zehova ka koo dogoninw ma. 11 Mōgō jumēn le be mōgō kōnōnakow lōn, n'a ma kε o tigi yεrē ye? O cogo la fana, mōgō te se ka Zehova ka koo lōn, ni Zehova ka Nii Senuman tε. 12 An kōni, an ye hakili min sōrō, o te dijē ta ye, nga an ye Zehova ka Nii lo sōrō, waasa Zehova ye nilifēn minw di an ma, an ka se k'o lōn. 13 An te kuma ka kεŋε ni adamaden ka lōnniya ye, an be fεen min fōra, o ye Zehova ka koo ye Nii Senuman ye min yira. An b'o fō mōgōw ye Nii Senuman be min fε.

1 Korēntikaw fōlō 3:16 Aw m'a lōn ko aw kera Zehova sigiyōrō ye wa, ani ko Zehova ka Nii signin be aw kōnō wa?

1 Korēntikaw fōlō 6:11 Aw dōw tun be ten fana, nga aw saniyara ka kε Zehova taw ye, ani ka kε mōgōtilenninw ye, an Matigi Yezu Krista tōgō la ani an ka Zehova ka Nii Senuman barika la.

1 Korēntikaw fōlō 12:3 O le y'a to ne b'a fō aw ye ko mōgō si te se k'a fō Zehova ka Nii barika la ko: «Yezu danganin lo,» ani mōgō si te se k'a fō fana ko: «Yezu ye Matigi ye» n'o ma kε Nii Senuman barika la.

2 Korēntikaw 2nan Filanan 3:17 Matigi min koo be fōra yan, o ye Nii Senuman ye. Matigi ka Nii Senuman be yōrō min na, yεrēsōrō le b'o yōrō la.

2 Korēntikaw 2nan Filanan 13:14(13) An Matigi Yezu Krista ka nεema ni Zehova ka kanuya, ani Nii Senuman ka jεnējōgōnya ka kε aw bεe fε.

Galatikaw 4:6 Aw ye Zehova deenw ye sōbē la. Zehova yεrē y'a Dence Nii don an na, ale min b'a to an b'a fō ko: «Baba, an Faa.»

Efεzikaw 1:13,14 Aw ye tijεkuma nin men tuma min na, o min ye kibaru diman

ye, aw fana lar'a la ka kisi o barika la, ka Nii Senuman sɔrɔ, min ye taamasinje ye an kan, Zehova tun y'a daa di min na. 14 Ale lo b'a yira an na ko an bena niyɔrɔ sɔrɔ Zehova fε n'an kunmabora pepewu loon min na, janko Zehova ka tanu!

Efezikaw 2:18 Ale sababu la, an kelen kelen bεε be se ka se an Faa Zehova fε, Nii Senuman kelen barika la.

Efezikaw 4:30 Aw kana Zehova ka Nii Senuman dusu kasi, ale min ye taamasinje ye aw kan, k'an ka kisilon kɔnɔ.

1 Tesalonikiaw fɔlɔ 4:8 O le y'a to ni mɔgɔ min ma sɔn o ladili ma, o tigi ma ban mɔgɔ ka kuma na, nga a banna Zehova le la, min b'a ka Nii Senuman d'aw ma.

1 Tesalonikiaw fɔlɔ 5:19 Aw kana Nii Senuman ka baara bali.

2 Tesalonikiaw 2nan Filanan 2:13 N balimaw, aw minw koo ka di Matigi ye, an ka kan ka barika la Zehova ye aw kosɔn tuma bεε, bari a y'aw woloma kabini fɔlɔfɔlɔ, waasa aw ka kisi, aw jigi barika la, min be tijε kan, ani Nii Senuman barika la, ale min b'aw kε Zehova ta ye. (1 Piyeri fɔlɔ 1:2)

Titi 3:5,6 a y'an kisi. O ma kε an ka kewalijuman kosɔn, nga a ka makari le kosɔn a y'o kε, an ye niikura sɔrɔ jii kɔnɔ koli fε Nii Senuman barika la, sisan an panaman lo Zehova faan fε. 6A ye Nii Senuman d'an ma fɔɔ ka ja an kisibaga Yezu Krista barika la,

Eburuw 2:4 Zehova yεrε y'a yira k'o mɔgɔ nunu ka kuma ye tijε ye taamasinew ni kabako sifa bεε fε, ani seko dɔw fε a ye minw di mɔgɔw ma Nii Senuman barika la, ka kεnε n'a yεrε sago ye.

Eburuw 10:15 Nii Senuman fana b'o le fɔ ka gwε an ye ko:

1 Piyeri fɔlɔ 1:2 Faa Zehova y'aw woloma kabini fɔlɔ, k'aw kε a taw ye Nii Senuman barika la, waasa aw ka mənni kε Yezu Krista fε ani ka saniya a joli bɔnnin na. Zehova ka nεema ni hεrε kε aw ye tuma bεε.

2 Piyeri 2nan Filanan 1:21 A ma kε i n'a fɔ kirayakuma bɔra mɔgɔw fε, nga Nii Senuman yεrε le y'a don u daa la u tora ka kuma Zehova tɔgɔ la.

1 Zan fɔlɔ 4:2 Aw be se ka Zehova ka Nii lɔn nin cogo la: Ni mɔgɔ o mɔgɔ b'a fɔ ko Yezu Krista nana ka adamaden cogo yεrε lo ta, o tigi ye Zehova ta ye.

1 Zan fɔlɔ 5:7,8 Seere saba le b'o tijε nin yira: 8 Nii Senuman, jii ani joli. O seere nunu be fεen kelen le fɔ.

Zude 1:20 Nga aw kɔni, ne teriw, aw ka jija ka taga ja aw jigi ka to Zehova kan sɔbε la, ani ka Zehova daali Nii Senuman barika la.